

10096391

中國方志叢書·華中地方·第一四十一號

據

清·龔寶琦修，黃厚本纂
光緒四十年刊本

影印

江蘇省

金山縣志

(二)

成文出版社有限公司印行



10096392

中國方志叢書·華中地方·第一四十號

據

清·龔寶琦修，黃厚本纂
光緒四十年刊本

影印

江蘇省

金山縣志

(三)

成文出版社有限公司印行



10096393

中國方志叢書·華中地方·第一四十一號

據

清·龔寶琦修，黃厚本纂
光緒四十年刊本

影印

江蘇省

金山縣志

(四)

成文出版社有限公司印行



10096394

重修金

山縣志

光緒四年戊
寅孟春開珣

重修金山縣志序

天下有彈丸黑子之地而控扼全局屹然爲一方重鎮者則

朝廷締造之意不可不深長思也金山明隸華亭入

國朝改隸婁縣後始析爲今邑蓋因時制宜爲控扼計而後置縣又較量形勝輾轉密度而縣治乃定誠以地處海濱屏蔽腹地外接兩瀾遠勢千里赭寇之亂規復瀾西之軍實取道於此舊駐陸兵千亂後增設水師補陸兵所不及桑土綢繆之計日益備觀治者敢以一邑小之哉況橫浦浦東久擅煮海之利鹽梟出沒其中趨利者眾釀禍亦

易良有司深鑒前事居安思危防外侮靖內訌其必有道
以處此矣光緒三年重修縣志成邑令崔君廷鏞以序請
爲論其地勢之大畧者如此

光緒戊寅夏五督江使者侯官沈葆楨謹叙



重修金山縣志序

明洪武間築城防海始置金山衛雍正四年以兩江督臣疏請分婁縣南境立金山縣以胥浦一鄉并析風涇集賢修竹仙山四鄉地隸焉分縣時知縣駐衛城乾隆二十四年以衛城地僻控馭非宜遂移縣治於朱涇鎮文廟祠宇書院倉廩舊在朱涇而縣署監獄亦隨所治而遷焉竊惟金山控扼大海襟帶兩浙舊設額兵千名屹然爲海疆重鎮近又增置水師助綠營所不及橫浦浦東實司鹽筴惟理豪猾出沒其中此兵防鹽法二者當務爲急也舊未有志乾隆十六年知縣常琬創修縣志去置縣未三十年紀

載尙多缺畧邑人姚泐續修之錢熙泰又從而參訂之頗多考正百五十年來變遷非一中經兵燹官牘不存網羅散失亦綦難矣前牧令龔寶琦承修邑志未竣事而去今牧令崔廷鏞以所成書三十卷乞余一言余閱之河道橋梁以及藝文人物增纂頗詳體例尙備邦人士搜訪之苦心其可沒歟故樂得而爲之序

光緒四年歲次戊寅春二月撫吳使者吳元炳謹序

重修金山縣志序

金山舊爲華亭縣地明洪武間築城防海始置金山衛
國朝順治十三年分華亭而置婁雍正四年又析婁而置
金山蓋卽以衛名名縣也乾隆十六年知縣常公琬始創
縣志時去置縣未三十年而紀載苟簡多所缺畧甚矣作
志之難也道光時邑人姚君沔起而重修之錢君熙泰又
從而訂正之將彬彬乎有可觀矣而書又未竟不獲以傳
百五十年來因時變遷更遭兵燹典章散佚老成凋謝志
之修也談何容易夫金山一區區彈丸邑耳前控大海後
扼浦江實爲松江一郡屏幃衛域有營舊以參將領之額

兵千名屹然爲海疆重鎮嘉慶中改設游擊營制亦稍稍變更同治中添駐水師以助綠營所不及縣治向在衛城乾隆間以衛城僻陋控馭非宜遂移治於朱涇粵寇之變衛城不守其後乃厚集兵力南自衛城北至朱涇步步爲營率能規復浙西諸郡蓋東南大洋乃江浙會哨之界若大洋山若淡水門皆海鯨所出沒塘路則西承平湖東遞華亭環弔東南直至寶山迢迢數百里平坦如砥不僅防海兼可控陸而朱涇一鎮尤居中要故又不獨爲松江一郡屏障而實爲江浙之門戶其於防守之法尤不可以不志若夫橫浦浦東實司禺筴釐弊剔奸鹽法宜志泖灘舊

漲日就淤墊疏流導源水利宜志書院之設培養人材月
試歲餼文教宜志凡此又皆守土者之責而賢有司所亟
宜留意者也前知縣事者龔君寶琦乃設局修志志未就
而崔君廷鏞代之既告成得三十卷傳信闕疑蒐輯頗力
爰書數語於簡端以告後之守斯土者

光緒四年戊寅六月蘇州布政使司布政使勒方琦序

重修金山縣志序

自來形勝要害有亙古不易者有隨時勢爲轉移者而建置之沿革因之學者欲攷已然之迹知通變之宜則非紀載不爲功金山控扼大海襟帶兩浙爲松江一郡屏蔽固東南形勝地也未置縣時地隸華亭明洪武間築城防海始建金山衛所 國朝順治十三年分華亭置婁縣地又轉隸於婁至雍正四年又析婁置縣遂以衛名名之蓋上下三百年變置已數數矣要其爲海疆形勝則所謂亙古不易者也縣治舊在衛城乾隆二十四年以衛城地僻控制非宜改建於朱涇鎮而衛城額設兵千名鎮以參將隱

然爲海疆重鎮嘉慶中改設游擊承平日久不復以兵防
爲重形勢依然而時宜輕重今昔殊情規制亦稍變矣粵
寇之亂自浙境沿海竄擾衛城不守南匯奉賢相繼淪陷
迨皖軍渡海東下駐營滬上分遣重兵扼守朱涇先拔衛
城旋收旁邑遂能遠窺浙西收功保障厥後東南大定改
易營制衛城添設水師助綠營所不及由此言之經畫建
置之宜又視夫事會之適然非前者之慮有未周而後者
之智獨多也而已事之規前志之所載筆有心人必起而
修明之以俟夫考信而決疑者誠不可以已也光緒紀元
大中丞吳公將有續修江南通志之舉旣檄各屬先成縣

志復命龔太守壽圖總松江一府之成前金山令龔君寶

琦始修厥緒今令崔君廷鏞踵事訖功成書三十卷以余

同官屬爲序言余讀其敘畧於地勢形勝建置沿革言之
尤詳而近事之效有足相參證者爰舉大要敷言簡端若
夫義例之善掌錄之勤讀者將自得焉茲不復贅云

光緒四年戊寅正月布政使銜署理蘇松太兵備通海關
監督貴池劉瑞芬序